

REGIONAL NEWS UNIT  
ALL INDIA RADIO, SILCHAR

\*\*\*\*\*

MORNING BULLETIN : BENGALI

Date:- 17-08-2017

Time : 07:35-07:40 Hrs

---

মুখ্যমন্ত্রী সর্বানন্দ সনোয়াল গতকাল মিজোরামের মুখ্যমন্ত্রী লাল থানহাওলার সঙ্গে মিজোরামের লুংলেই জেলায় অমিজো ব্যবসায়ীদের হেনস্থা বন্ধ করার বিষয় নিয়ে আলোচনা করেন। উল্লেখ্য সম্প্রতি কয়েকটি মিজো সংস্থার সদস্যরা লুংলেইতে অমিজো ব্যবসায়ীদের দোকান জোর করে দেয় এবং মিজোরাম ছাড়ার নির্দেশ দিয়েছে। এই অমিজো ব্যবসায়ীরা বেশীরভাগ আসাম ও দেশের অন্যান্য রাজ্যের যারা বহুদিন থেকে সেখানে তাদের ব্যবসা করে আসছেন। টেলিফোনে কথা বলার সময় শ্রীসনোয়াল মিজোরামের মুখ্যমন্ত্রীকে ব্যবসায়ীদের নিরাপত্তা প্রদান সহ তাদের ব্যবসা পুনরায় শুরু করতে সব ধরনের ব্যবস্থা গ্রহণ করার আহ্বান জানান। মিজোরামের মুখ্যমন্ত্রী এব্যাপারে সব ধরনের সহযোগীতার আশ্বাস দিয়েছেন বলে জানা গেছে।

---

বেকারত্ব বরাক উপত্যকার প্রধান সমস্যা এবং শিল্প মন্ত্রণালয় এই সমস্যা সমাধান করতে পারে। রাজ্যের শিল্প ও বাণিজ্য মন্ত্রী চন্দ্রমোহন পাটোয়ারী আকাশবাণীর সংবাদ বিভাগের সঙ্গে এক সাক্ষাৎকার অনুষ্ঠানে একথা জানিয়ে বলেন যে উপত্যকার রাস্তাঘাট এঅঞ্চলের দ্বিতীয় সমস্যা সমাধানে কাজ করে যাচ্ছেন। বরাকের উন্নয়নে তিনি বিভিন্ন পরিকল্পনার কথা শুনান যার মধ্যে রয়েছে আইটিআইতে বিভিন্ন কোম্পানীর ক্লাস, প্রতিটি উন্নয়ন খনড ও পুর এলাকায় একটি করে দক্ষতা বিকাশ কেন্দ্র স্থাপন ইত্যাদি। এছাড়া কাছাড় কাগজ কল পুনরুজ্জীবিত করার কথাও তিনি উল্লেখ করেন। মন্ত্রী পাটোয়ারীর আকাশবাণী শিলচর কেন্দ্রের সংবাদ বিভাগের সঙ্গে এই সাক্ষাৎকার

আনুষ্ঠানটি আজ রাত ৮টা ১০মিনিটে আমাদের কেন্দ্র থেকে সম্প্রচার করা হবে ।

---

বিহার ও উত্তর বঙ্গের বন্যার ফলে কয়েকটি স্থানে রেলপথ ডুবে যাওয়ার ফলে দেশের বাকী অংশের সঙ্গে উত্তর-পূর্বাঞ্চলের রেল যোগাযোগ আজও বিচ্ছিন্ন রয়েছে । ক্ষতিগ্রস্ত অঞ্চলগুলির সঙ্গে যোগাযোগ সম্ভব না হওয়ার ফলে রেলপথগুলির মেরামতির কাজে বীঘ্ন হচ্ছে । অবশ্য বন্যার ফলে বিহার ও পশ্চিমবঙ্গ আবদ্ধ হয়ে থাকা রেলযাত্রীদের আনা নেওয়ার জন্যে গতকাল গৌহাটী ও বিহারের গালকোলার মধ্যে দুটি বিশেষ ট্রেন চালানোর ব্যবস্থা করা হয়েছে । বর্তমানে গৌহাটী রেলস্টেশনে ১২০জন যাত্রী আবদ্ধহয়ে আছেন বলে উল্লেখ করে রেল সূত্রে জানানো হয়েছে যে এসব লোকদের নিজ নিজ গন্তব্য স্থলে পাঠানোর জন্যে রেলবিভাগ বিহিত ব্যবস্থা গ্রহণ করছে । এদিকে উত্তর-পূর্ব সীমান্ত রেলওয়ে ডিব্রুগড় নতুনদিল্লী রাজধানী এক্সপ্রেস সহ আরো কয়েকটি রেলের যাত্রা আগামী ২০শে আগষ্ট পর্য্যন্ত বাতিল করেছে ।

---

আকাশবাণী শিলচর ও দূরদর্শনের অবসরপ্রাপ্ত আধিকারিক স্বস্তিক রঞ্জন সেন গতকাল শিলচরের একটি বেসরকারী নাসিং হোমে শেষ নিঃশ্বাস ত্যাগ করেছেন । মৃত্যুকালে তার বয়স হয়েছিল ৭৭ । ১৯৭২ সালে আকাশবাণী শিলচর কেন্দ্রের সঙ্গে প্রতিষ্ঠা মুহূর্ত থেকেই যুক্ত ছিলেন এবং ১৯৯১সালে শিলচর দূরদর্শন কেন্দ্রে প্রোগ্রাম এগজিকিউটিভ হিসেবে কাজে যোগ দেন । গতকাল রাতেই প্রয়াত সেনের অন্ত্যেষ্টিক্রিয়া শিলচরে সম্পন্ন হয়েছে । আকাশবাণী শিলচর কেন্দ্রের পক্ষ থেকে স্বস্তিক রঞ্জনের মৃত্যুতে গভীর শোক প্রকাশ করা হয় ।

---

আসাম মাধ্যমিক শিক্ষা পৰ্যদ সেবা পরিচালিত মাধ্যমিক কম্পাটমেন্টাল পরীক্ষার ফলাফল আগামীকাল ঘোষণা করা হবে । আগামীকাল বেলা ১১টায় সেবার ওয়েবসাইট-ডাবলিও.ডাবলি.ডাবলিও. সেবা ওনলাইনতে পাওয়া যাবে । উল্লেখ্য এবছর ৭৯হাজার ২শ ৫৮জন ছাত্র-ছাত্রী এই কম্পাটমেন্টাল পরীক্ষা দিয়েছিল ।

---

কাছাড় জেলা প্রশাসনের পক্ষ থেকে এক নির্দেশে বলা হয়েছে যে যেসমস্ত বেসরকারী স্বেচ্ছাসেবী সংস্থা এন.জি.ও বন্যা দুর্গতদের মধ্যে ত্রাণ সামগ্রী দিয়ে সাহায্য করতে ইচ্ছুক তাদেরকে জেলা দুর্যোগ মোকাবিলা কর্তৃপক্ষের থেকে আগাম অনুমতি নিতে হবে । বিশদ বিবরণের এন.জি.ওগুলিকে শিলচর জেলা দুর্যোগ মোকাবিলা কার্যালয়ে যোগাযোগ করতে বলা হয়েছে ।

---

উদারবন্দ জগন্নাথ সিং কলেজে স্বচ্ছ ভারত অভিযানের অধীনে চলা পক্ষকালীন স্বচ্ছতা কার্যসূচী গত মঙ্গলবার শেষ হয়েছে । কলেজের এন এস এস ইউনিটের উদ্যোগে আয়োজিত এই কার্যসূচী গত পয়লা আগষ্ট শুরু হয়েছিল । এই কার্যসূচীর অধীনে কলেজের এন এস এস ইউনিটের প্রোগ্রাম আধিকারিক তথা ইতিহাস বিভাগের সহকারী অধ্যাপক ডঃ শ্যাম মামুদ বড়ভূইয়ার তত্ত্বাবধানে স্বেচ্ছাসেবক ছাত্র-ছাত্রীরা কলেজ প্রাঙ্গন, উদ্যান সহ উদারবন্দের নেতাজী মূর্তীর পাদদেশ ইত্যাদিতে সাফাই অভিযান চালান ।

---

জাতীয় দুর্যোগ মোকাবিলা বাহিনীও অগ্নি নির্বাপক বাহিনীর যৌথ উদ্যোগে গতকাল উদারবন্দ ডি.এন.এইচ.এস স্কুলে প্রাকৃতিক দুর্যোগ ও আগুন থেকে রক্ষা পাওয়ার কলা কৌশল নিয়ে একটি মহড়া অনুষ্ঠিত হয়েছে । স্বাধীনতা দিবসের আনুষ্ঠানের অঙ্গ হিসেবে এই মহড়া আয়োজিত হয় ।

অনুষ্ঠানে উধারবন্দের চক্র আধিকারিক কুলদীপ হাজারিকা সহ নিবেদিতা দেবী, রুহেনী নাথ প্রমুখ উপস্থিত ছিলেন ।

---

ভারতীয় জনতা পার্টির তপশীল জাতি মোর্চার কাছাড় জেলার পূর্ণাঙ্গ কমিটি গতকাল গঠন করা হয়েছে । মোর্চার জেলা সভাপতি পুলিন বিহারী দাসের পৌরহিত্যে গতকাল এক সভায় পাঁচজন উপ-সভাপতি, দুইজন সাধারণ সম্পাদক ও পাঁচজন সম্পাদক নিয়ে ৩১সদস্য বিশিষ্ট তপশীল জাতি মোর্চার কাছাড় জেলা কমিটি গঠন করা হয়েছে । নব গঠিত কমিটিতে রাজ্যের পূর্ত, আবগারী ও মীন বিভাগের মন্ত্রী পরিমল শুরুবৈদ্য, শিলচর পৌরসভার সভাপতি নীহারেন্দ্র নারায়ন ঠাকুর ও জেলা বিজেপির প্রাক্তন সাংগঠনিক সাধারণ সম্পাদক আমিয় কান্তি দাস আমন্ত্রিত সদস্য হিসেবে রয়েছেন ।

---

সমাপ্ত

---